



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

Bischof Dieterich von Brandenburg bestätigt die vom Kalande vorgenommene Bewidmung des Altars des h. Kreuzes in der St. Nicolai-Kirche zu Burg, am 18. October 1349.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

bus nomine elemosine distribui et ipsis karitative et fideliter elargiri, Et hoc tamen fieri debet post obitum domini Nicolai plebani in Gladow, qui ipso tempore vite sue percipiet, Quia idem dominus Nicolaus sepedictos Duos Choros comparavit et pro Anime sue et suorum progenitorum remedio pauperibus perpetuo donari per modum ut predictum est constituit seu procuravit, Hoc tamen etiam specialiter expresse, Quod si in solucione predictorum Trium Chorum forsitan in futuris temporibus aliquis defectus propter quamcumque occasionem emerferit, tunc Minister predicti altaris et fratres kalendarum antedictae elemosine dispensatores equanimiter defectum suserant et huius modi detrimentum quilibet secundum taxam sue portionis patiantur. Nos igitur in hoc facto diuinum cultum augmentari et karitatis opera, inter que elemosina non modica esse uidetur, que sicut Aqua ignem sic peccatum extinguit, exerceri conspicientes predictos Tres Choros, manfos duos et Curiam cum proprietate et alijs iuribus suis et omnibus pertinencijs suis de consensu sanctimonialium predictarum Auctoritate nostra ordinaria in dictum altare et in fratres kalendarum in borch transferimus in hijs scriptis et prefata bona eidem altari et ipsis kalendarum fratribus in nomine domini confirmamus. Et nos katherina diuina miseratione Abbatissa, Ermegardis priorissa Totusque conuentus sanctimonialium in segheser Recognoscimus, Quod de ratihabitione omnium nostrorum et communi consensu Manfos et Curiam, de quibus predictum, cum proprietate et dominio et omnibus pertinencijs suis sepedicto altari in Borch et antedictis kalendarum fratribus donauimus presentibus et donamus, Renunciantes omni iuri, proprietati ac dominio et omnibus alijs, que in dictis bonis dinoscimur hactenus habuisse, Grata etiam et rata habentes omnia et singula premissa, quod sigillorum nostrorum uidelicet abbatisse et Conuentus Appensionibus protestamur. Actum et datum Anno domini MCCC^o. XLV^o. VIII kalendas Septembris, presentibus pluribus ydoneis et honestis ac fide dignis.

Nach dem Originale des Stadtarchives zu Burg Nr. 32.

XXIX. Bischof Dieterich von Brandenburg bestätigt die vom Kalande vorgenommene
Bewidmung des Altars des h. Kreuzes in der St. Nicolai-Kirche zu Burg,
am 18. October 1349.

In Nomine domini Amen. Theodericus, dei gratia Brandenburgensis ecclesie Episcopus — Recognoscimus — Quod discreti viri fratres kalendarum in borch ob reuerentiam omnipotentis dei katholice fidei exaltacionem et animarum suarum Salutem de consensu et voluntate Venerabilis patris pie memorie domini Ludewici predecessoris nostri deuotissime dotauerunt altare Sancte Crucis in ecclesia parochiali Sancti Nicolai in opido borch situm ad celebrandum in eo cottidie missam ipsorum ac benefactorum suorum memoriam perpetue peragendam, Eidem altari duos manfos in campis ville Luderstorp sitos, quos nunc colit Johannes ywani senior ciuis in borch, totaliter ab omni prestatione precariarum exactionum et angariarum ac cuiuslibet oneris liberos, dotis nomine assignantes, hoc modo, Quod quotienscumque huius modi altare vacare contigerit, predictorum fratrum kalendarum Decanus, qui pro tempore fuerit, vni viro ydoneo de confratribus kalendarum in borch, et non aliunde conferre et ipsum nobis aut nostris successoribus

presentare debet pro institutione canonica obtinenda, Non obstante clausula illa in confirmationis priuilegio fratribus kalendarum predictis per dominum predictum super eorundem fratrum fraternitate concessio contenta, que sic incipit: Quicumque vero ydoneus per Decanum dictorum fratrum ad aliquod predictorum beneficiorum seu altarium conferendum plebano in borch legitime presentatus fuerit, idem plebanus presentatum ad dictum beneficium seu altare auctoritate nostra ordinaria instituire canonice non postponat. Hanc quidem clausulam nostre ordinarie potestati derogantem presentibus reuocamus et penitus abolemus. Cetera vero omnia in dicto priuilegio ipsis fratribus kalendarum concessa specialiter et contenta in suo robore volumus permanere. Missam vero dicti altaris presbiter seu vicarius eiusdem post matutinas frequentius celebrabit, Ita tamen quod si plebanus ibidem missam ratione funeris presentis necessario habuerit celebrandam, debet ibidem presbiter uel vicarius ipsi plebano pro tunc beniuole suffragari. Oblationes seu votiuę si que ad altare predictum uel ad manus presbiteri predicti fuerint exhibite et delate, domino plebano in borch ne ipsum contingat in iure parochialis ecclesie defraudari, sine diminutione qualibet presententur, et idem presbiter plebanum predictum post institutionem accedat, promittendo eidem seruare fidelitatem iuris parochialis ecclesie de notiuis et oblationibus supradictis. Nos igitur Theodericus, dei gratia episcopus supradictus omnia et singula premissa rata et grata habentes ea laudamus, approbamus et auctoritate nostra ordinaria honorabilium virorum dominorum prepositi, Prioris ac totius conuentus ecclesie sancte Marie in Magdeburgh ordinis Premonstratenfis nec non domini nunc plebani in borch eiusdem ordinis consensu ac beniuola voluntate accedentibus in nomine domini presentibus confirmamus. Predicto quidem Decano post cuiuslibet in predictorum fratrum kalendarum in borch decanatus officio successiuis temporibus consulto de iure patronatus dicti altaris auctoritate nostra ordinaria prouidemus sibi que dicti altaris jus patronatus presentibus referuamus nunc et perpetuis futuris temporibus quiete et pacifice possidendum, in cuius confirmationis, prouisionis, referuationis et consensu testimonium nostrum Sigillum presentibus est appensum. Et nos Petrus prepositus, Conradus Prior totumque capitulum Sancte Marie in Magdeburgh et ego Petrus plebanus parochialis ecclesie in borch ordinis predicti consensum voluntarium et plenum perpetuo duraturum dedimus et damus ad omnia et singula supradicta, quod Sigillis nostris nostrique Capituli presentibus appensis recognoscimus publice protestantes. Actum et datum in Castro Seyezeze Anno domini M^o CCC^o XL^o nono, ipso die beati Luce Ewangeliste, presentibus honorabilibus et discretis uiris domino Gherhardo de Heydebrake canonico ecclesie Magdeburgensis et officiali curie eiusdem, Ottone de Prentzlaw curie nostre officiali, Frederico notario nostro, Ghotchalco plebano in vrylak presbiteris, Conrado bliuot et Cristiano de Nuwenborch publicis Notariis, Hinrico de Oueftuelt ciue in Magdeborch, et Syffrido Hurer opidano in borch et quam pluribus aliis fide dignis.

Nach dem Originale des Stadtarchives zu Burg Nr. 105.